

Hippocrates quicquid scripsit rimatur in arte
 Phoebæa, quicquid doctus Aristoteles,
 Tandem Pieria redimitus tempora lauro,
 Inde Magisterij suscipit ille gradum.
 Donec ei plures decernit Elister honores,
 Et Stagyritæ docta palestra Sophi.
 STEINBACHIO sed Musa fauet: Pallas quoque docta,
 Quæ peperit titulos & sine morte decus.
 Hunc ornat titulis claris Heluetica tellus,
 Vrbs Basilea probat: clara Lycea probant.
 Poscit opem medicam IAVRAVIA patria tellus,
 Doctori tribuens limina grata nouo.
 Addictus praxi nunc pharmaca dulcia miscet,
 Succurrens ægris nocte dieque suis.
 Dum loquor hæc, lux grata venit, lux clara refulget,
 Qua confirmantur foedera casta thori.
 HELIZABE nunc templa petit pulcherrima Nympha:
 Inter formosas conspicienda Nurus.
 Illius ingenui mores vultusque decori
 Omnibus arrident, & tibi Sponse placent.
 Hanc ornat pietas reliquis formosior vna,
 Et sine labe pudor, nec sine laude decor.
 Purpurei decor oris inest, & candida forma,
 Lilia quæ superat, vincit & ipsa rofas.
 Aurea de collo pendent redimicula Sponsæ,
 Lumina clara micant: Gratia quanta genis?
 Hinc pudor & probitas & honestæ nomina famæ
 Exornant Sponsam Doctorem amande tuam.
 Quid referam matris, referam quid stemma parentis?
 Quid genus & formam dulcis Elissa tuam?
 Ergo tibi tales cum decernuntur honores,
 Et petit amplexus virgo venusta tuos.

Sis fe-